



Na osnovu člana 69. stav (2) tačka d), člana 70. st. (1) i (4) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24), člana 48. Pravilnika o javnim nabavkama „Elektroprenos – Elektroprijenos BiH“ a.d. Banja Luka, člana 67. Statuta „Elektroprenos – Elektroprijenos BiH“ a.d. Banja Luka i preporuke Komisije za javne nabavke date u Zapisniku o pregledu i ocjeni ponuda broj: JN-OP-757-25/2024 od 18.06.2025. godine, u postupku javne nabavke broj: JN-OP-757/2024 - Nabavka rekonstrukcije TS 110/x kV Jajce 1, Generalni direktor „Elektroprenos – Elektroprijenos BiH“ a.d. Banja Luka, donosi

O D L U K U

o poništenju postupka javne nabavke

I

Poništava se postupak javne nabavke broj: JN-OP-757/2024 - Nabavka rekonstrukcije TS 110/x kV Jajce 1, jer nijedna od primljenih ponuda nije prihvatljiva, član 69. stav (2) tačka d) Zakona o javnim nabavkama ("Službeni glasnik Bosne i Hercegovine", br. 39/14, 59/22 i 50/24).

O b r a z l o ž e n j e

„Elektroprenos – Elektroprijenos BiH“ a.d. Banja Luka, kao Ugovorni organ (u daljem tekstu: Ugovorni organ) na osnovu Odluke o pokretanju postupka javne nabavke broj: JN-OP-757-2/2024 od 08.07.2024. godine, proveo je otvoreni postupak javne nabavke broj: JN-OP-757/2024 – Nabavka rekonstrukcije TS 110/x kV Jajce 1. Za predmetni postupak javne nabavke objavljeno je obavještenje o nabavci broj: 1280-1-1-56-3-139/25 od 31.03.2025. godine na Portalu javnih nabavki. Procijenjena vrijednost nabavke bez PDV-a iznosi 6.638.388,00 KM.

Za provođenje predmetnog postupka nabavke, Ugovorni organ je Rješenjem broj: JN-OP-757-3/2024 od 08.07.2024. godine, imenovao Komisiju od 5 (pet) članova.

Komisija za predmetnu javnu nabavku je blagovremeno i pravilno izvršila otvaranje ponuda dana 20.05.2025. godine, o čemu je sačinila Zapisnik o otvaranju ponuda broj: JN-OP-757-24/2024, u kojem je konstatovano da su ukupno pristigle 3 (tri) ponude i to:

1. Nexen d.o.o. Banja Luka
2. Konzorcijum: DALEKOVOD d.o.o. Mostar i DALEKOVOD d.d. Zagreb
3. Grupa ponuđača: EKP ELKER a.d. Ljubija, VALTER ELEKTRO d.o.o. Ilidža, BG-ENERGO TIM d.o.o. Prijedor i ARS Inženjering d.o.o. Banja Luka.

Komisija za javnu nabavku je izvršila pregled i ocjenu ponuda, o čemu je sačinila Zapisnik o pregledu i ocjeni ponuda, broj: JN-OP-757-25/2024 od 18.06.2025. godine, u kojem je konstatovano da u postupku javne nabavke broj: JN-OP-757/2024 - Nabavka rekonstrukcije TS

110/x kV Jajce 1 **nijedna od primljenih ponuda nije prihvatljiva**, te je dala preporuku za poništenje postupka.

Ponuda ponuđača Konzorcijum: DALEKOVOD d.o.o. Mostar i DALEKOVOD d.d. Zagreb je neprihvatljiva iz razloga što je cijena ponude veća od procijenjene vrijednosti nabavke koja je iskazana u tački 5.3 tenderske dokumentacije. Procijenjena vrijednost predmetne nabavke je 6.638.388,00 KM, dok cijena ponude ponuđača Konzorcijum: DALEKOVOD d.o.o. Mostar i DALEKOVOD d.d. Zagreb iznosi 8.498.210,00 KM, što prelazi planirana novčana sredstva ugovornog organa, te je ista odbačena u skladu sa članom članom 68. stav (4) tačka j) Zakona o javnim nabavkama.

Ponuda ponuđača Nexen d.o.o. Banja Luka je neprihvatljiva jer ponuđač nije ispunio zahtjeve iz tačke 14. i tačke 15. tenderske dokumentacije, zbog čega nije dokazao svoju ekonomsku i finansijsku sposobnost iz člana 47, kao ni tehničku i profesionalnu sposobnost iz člana 49. Zakona o javnim nabavkama, te je ponuda u skladu sa članom 68. stav (1) Zakona o javnim nabavkama odbačena kao neprihvatljiva.

Ponuda ponuđača „Grupa ponuđača: EKP ELKER a.d. Ljubija, VALTER ELEKTRO d.o.o. Ilidža, BG-ENERGO TIM d.o.o. Prijedor i ARS Inženjering d.o.o. Banja Luka“ nije ispunila zahtjeve Ugovornog organa, a koji se odnose na tehničke zahtjeve i specifikacije iz Priloga 8 Tenderske dokumentacije, te je ista u skladu sa članom 68. stav (4) tačka i) ZJN, a u vezi sa članom 2. stav (1) tačka l) podtačka 3) ZJN, odbačena kao nepravilna.

Razlozi za odbacivanje ponuda detaljnije su opisani u Zapisniku o pregledu i ocjeni ponuda br. JN-OP-757-25/2024 od 18.06.2025. godine, a koji je sastavni dio ove odluke.

Komisija za javnu nabavku dostavila je Generalnom direktoru Zapisnik o pregledu i ocjeni ponuda broj: JN-OP-757-25/2024 od 18.06.2025. godine, sa preporukom za poništenje postupka javne nabavke broj: JN-OP-757/2024 - Nabavka rekonstrukcije TS 110/x kV Jajce 1.

U postupku donošenja ove odluke, posebno su cijenjene činjenice da je Komisija u svemu potpuno i pravilno postupila, te da je preporuka o poništenju postupka nabavke data u skladu sa Zakonom, podzakonskim i internim aktima i tenderskim dokumentom.

Iz naprijed navedenih razloga, primjenom člana 69. stava (1) tačka b) i stava (2) tačka d) Zakona, te člana 48. Pravilnika o javnim nabavkama „Elektroprenos – Elektroprijenos BiH“ a.d. Banja Luka, odlučeno je kao u izreci ove odluke.

Ova odluka će se dostaviti se svim ponuđačima koji su učestvovali u predmetnom postupku javne nabavke i objaviće se na web stranici www.elprenos.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona.

POUKA O PRAVNOM LIJEKU

Protiv ove odluke može se izjaviti žalba Kancelariji za razmatranje žalbi putem Ugovornog organa, najkasnije u roku od 10 (deset) dana od dana prijema ove odluke, na adresu: "Elektroprenos – Elektroprijenos BiH" a.d. Banja Luka, ul. Marije Bursać 7a, 78 000 Banja Luka.

Dostaviti:

- Ponuđačima,
- Direkciji 03,
- Evidenciji.

Generalni direktor



Miro Džakula